



Selasa, 02 Mei 2023

Ogen : Joel 1:4-7



Ikernepen



Bencana si mbelin jadi ku bas kegeluhen bangsa Israel. Tupung si e kerina sinuan-sinuanna kena hama. Labang rehen erdemuyung erbahanca cedan sinuan-sinuan. Kerehen labang enda la sekali ngenca tapi pegancih-gancih, e maka kerina sinuan-sinuan kerikal ipanganina, lanai lit si tading. Buah anggur siniarapkan jadi inemen pe kerikerina, e maka pemabuk si enggo semal minem lau anggur pe kelsehen seh tangis erkiteken situasi e. Labang e reh engkernepen kerinana sinuan-sinuan siniarapkan guna ncukupi keperluan geluh. Kai pe silakoken manusia paksa si e la banci ngolangi labang e ngkernepen sinuan-sinuan e. Buah anggur enggo kerikal, batang ara ingat-ngatina janah kulit batang kayu pe kerikal ipanganna. Si enda kerina jadi erkiteken rawa Dibata. Enda me mara si jadi nandangi bangsa Israel. Dibata reh arah hama entah pe labang guna ngkernepenka. Enda me ukumen nandangi kalak si la ngelakoken perintah Dibata. Si la mehamat man baNa. Erlajar arah si enda maka Dibata e me si mada kuasa. IA Dibata si perkeleng, tapi man kalak si la patuh iukumNa. Maun Dibata ngerana arah tinapa. Adi i bas kitab Joel enda Dibata ngerana arah labang. Rubia-rubia si kitik pe, arah e Dibata encidahken kuasaNa. Bage pe i bas kegeluhenta, maka kai pe banci ipake Dibata guna nuriken kerna kuasaNa man banta. Erlajarlah arah kerinana, megermetlah dingentetap patuh man Dibata segelah kita ngaloken keterkelinen. Dalani kegeluhen alu tetap ersukuten man Dibata, segelah arah kegeluhenta sialoken kesangapen si rehna bas IA nari.